


唐詩所前集

二

四

古樂府



漢書門類			
一一八	四三	八〇	四三
三二册	四架	函	號

內閣文庫			
三九	一一八	三三	四三
函	册	册	號
一六	架	架	類

內閣文庫			
番號	漢	11843	
冊數	32 ( 4 )		
函號	319	124	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



唐詩所第二卷

鼓吹曲辭

上之回

白樂府

前集  
淺草文庫

盧照隣

回中道路險蕭關烽候多五營屯北一作地萬乘出西

河單于拜玉璽天子按雕戈振旅汾川曲秋風橫大歌

前題

沈佺期

制書下關右天子問回中壇墠經過遠威儀侍從雄黃

麾搖晝日青幟曳松風迴望甘泉道龍山隱漢宮

前題

李白

三十六離宮樓臺與天通閣道步行月美人愁煙空恩

疎寵不及桃李傷春風浮樂意何極金輿向回中萬乘  
出黃道千旗揚彩虹前軍細柳北後騎甘泉東豈問渭  
川老寧邀襄野童但一作慕瑶池宴歸來樂未一作  
無窮

戰城南

楊炯

塞北途遼遠城南戰苦辛一作旗如鳥翼甲冑似魚  
鱗凍水寒傷馬悲風愁殺人寸心明白日千里暗黃塵

前題

盧照隣

將軍出紫塞冒頓在烏貪笳喧鴈門北陣翼龍城南瑯  
弓夜宛轉鐵騎曉驂驪應須駐白日爲待戰方酣

前題

徐九臯

塞北狂胡旅城南敵漢圍巉巖一鼓氣拔利五兵威虜  
騎瞻山哭王師拓地飛不應須寵戰當遂勒金微一作

前題

李白

去年戰桑乾源今年戰葱河道一作兵條支海上波放馬  
天山雪中草萬里長一作遠戰征三軍盡衰老匈奴以殺  
戮爲耕作古來唯見白骨黃沙田秦家築城備胡處漢  
家還有烽火然烽火然不息長征無已時野戰格鬪死  
敗馬嘶一作號鳴向天悲鳥鳶啄人腸銜飛上挂枯樹一作  
桑枝士卒塗草莽將軍空爾爲乃知兵者是凶器聖人

古樂府 卷二  
不得已而用之

巫山高

凌敬

巫岫鬱岩堯高高入紫霄白雲間危一作石玄猿挂迥

一作迥挂條懸崖激巨浪脆葉殞驚飈別有陽臺處風雨共

飄飄

前題

盧照隣

巫山高不極望望下朝氛莫辨啼猿樹徒看神女雲驚濤亂水脉驟雨暗峰文霑裳卽此地况復遠思君

前題

沈佺期

巫山峰十二合沓隱一作環昭回俯眺一作琵琶峽平

一作象

一作聽

看雲雨臺古槎天外倚一作瀑水日邊來何忍猿啼夜

荆王枕席開

前題

王無競

神女向高唐巫山下夕陽徘徊行作雨婉孌逐荆王電影江前落雷聲峽外長霽雲無處所臺館曉蒼蒼

前題

張循之

巫山高不極合沓狀竒新暗谷疑風雨陰崖若鬼神月明峽曉潮滿九江春爲問陽臺客應知入夢人

前題

張九齡

巫山與天近煙景長青熒此中楚王夢夢得神女靈神

古樂府 卷二 三  
女去已久雲雨空冥冥唯有巴猿嘯哀音不可聽

前題

鄭世翼

巫山凌太清岩巖類削成霏霏暮雨合靄靄朝雲生危  
峯入鳥道深谷瀉猿聲別有幽棲客淹留攀桂情

前題

劉方平

楚國巫山秀清猿日夜啼萬重春樹合十二碧峰齊  
出朝雲下江來暮雨西陽臺歸路直不畏向家迷

前題

喬知之

巫山十二峰參差互隱見潯陽幾千里周覽忽已徧想  
像神女姿摘芳共珍薦楚雲何透迤紅樹日葱蒨楚雲

沒湘源紅樹斷荆門郢路不可見况復夜聞猿

前題

一作閔復本

閔立本

君不見巫山高半天起絕壁千尋盡相似君不見巫  
山磕匝翠屏開湘江碧水遶山來綠樹春嬌明月峽紅  
花朝覆白雲臺臺上朝雲無定所此中窈窕神仙女仙  
女盈盈仙骨飛清容出沒有光輝欲暮高唐行雨送今  
宵定入荆王夢荆王夢裏愛穠華枕席初開紅帳遮可  
憐欲曉啼猿處說道巫山是妾家

將進酒

李白

君不見黃河之水天上來奔流倒海不復回君不見高

堂明鏡悲白髮朝如青絲一作雲暮成一作如雪人生得意

須盡歡莫使金樽空對月天生我材必有用一作天生

材又作天生我徒有俊材一作黃金散盡還復來烹羊宰牛且為樂

會須一飲三百杯岑夫子丹丘生將進酒君莫停與君

歌一曲請君為我傾一作側耳聽鐘鼎玉帛豈足貴一作鐘鼓

饌玉不足貴但願長醉不用一作復醒古來賢聖皆寂寞一作

死惟有飲者留其名陳王昔時一作日宴平樂斗酒十千

恣讙謔主人何為言少錢徑且一作且須沽取對一作共君酌

五花馬千金裘呼兒將出換美酒與爾同銷萬古愁

君馬黃

君馬黃我馬白馬色雖不同人心本無隔其作遊冶盤

雙行洛陽陌長劍既照耀高冠何赫赫各有千金裘俱

為五侯客猛虎落陷穽壯士時屈厄相知在急難獨好

亦何益

芳樹

盧照隣

芳樹本多奇年華復在斯結翠成新幄開紅滿故枝風

歸花歷亂日度影參差容色朝朝落思君君不知

前題

沈佺期

何地早芳菲宛在長門殿天桃色若綬穠李光如練啼

鳥弄花踈遊蜂飲香遍歎息春風起飄零君不見

前題

符子珪

芳樹宜三月曛曛豔綺年香交珠箔氣陰占綠庭煙小  
葉風吹長繁華露濯鮮遂令穠李兒折取簪花鈿

前題

李叔卿

春看玫瑰樹西鄰卽宋家門深重暗葉墻近度飛花影  
拂桃陰淺香傳李逕斜靚粧愁日暮流涕向窓紗

前題

徐彥伯

玉花珍簾上金縷畫屏開曉月憐箏柱春風憶鏡臺箏  
柱春風吹曉月芳樹落花朝暝歇藁砧刀頭未有期

時攀條拭淚坐相思

有所思

一作王勃

楊炯

賤妾留南楚征夫向北燕三秋方一日少別比千年不  
掩頰紅縷無論一作能數綠錢相思明月夜迢遞白雲天

前題

望宅中樹作

盧照隣

我家有庭樹秋葉正離離上舞雙棲鳥中秀合歡枝勞  
思復勞望相見不相知何當共攀折歌笑此堂垂

前題

一作宋之問

沈佺期

君子事行役再空芳歲期美人曠延佇萬里浮雲思園  
槿綻紅豔郊桑柔綠滋坐看長夏晚秋月照一作羅幃

臨高臺

褚亮

高臺暫俯臨飛翼聳輕音浮光隨日度漾影逐波深迴  
瞰周平野開懷暢遠襟獨此三休上還傷千里心

前題

沈佺期

高臺臨廣陌車馬紛相續回首思舊鄉雲山亂心曲遠  
望河流緩周看原野綠向夕林鳥還憂來飛景促

前題

王易從

漢主事祈連良人在高闕空臺寂已暮愁坐變容髮汎  
豔春幌風徘徊秋戶月可憐軍書斷空使流芳歇

前題

王勃

臨高臺高臺迢迢絕浮埃瑤軒綺構何崔嵬鸞歌鳳吹

清且哀俯瞰長安道萋萋御溝草斜對甘泉路蒼蒼茂

陵樹高臺四望同帝鄉鄉一無帝佳氣鬱葱葱紫閣丹樓

紛照耀壁房錦殿相玲瓏東彌長樂觀道一作西指未央

宮赤城映朝日綠樹搖春風旗亭百隊開新市甲第千

薨分戚里朱輪翠蓋不勝春疊榭層楹相對起復有青

樓大道中繡戶文窓雕綺櫳錦衾夜不襞羅幃畫夕一作

未空歌屏朝揜翠粧鏡晚窺紅爲君安寶髻蛾眉罷花

叢塵間狹路黯將暮雲開月色明如素鴛鴦池上兩兩

飛鳳凰樓下雙雙度物色正如此佳期那不顧銀鞍繡

轂盛繁華可憐今夜宿娼家娼家少婦不須顰東園桃



李片時春君看舊日高臺處柏梁銅雀生黃塵

前題

送黎拾遺

王維

相送臨高臺川原杳何極日暮飛鳥還行人去不息

釣竿篇

沈佺期

朝日歛紅煙垂竿向綠川人疑天上坐魚似鏡中懸  
避機時驚透猜釣每誤牽湍危不理轄潭靜欲畱船釣玉  
君徒尚徵金我未賢為看芳餌下貪得會無筌

雉子斑

集作設辟邪伎鼓吹曲

李白

辟邪伎作鼓吹驚雉子斑之奏曲成喔咿振迅欲飛鳴  
扇錦翼雄風生雙雌同飲啄趨悍誰能爭乍一作寧向草

中耿介死不求黃金籠下生天地至廣大何惜遂物情

善卷讓天子務光亦逃名所貴曠士懷朗然合太清

雜擬

鼓吹入朝曲

金陵控海浦淥水帶吳京饒歌列騎吹颯杳引公卿槌  
鐘速嚴妝伐鼓啟重城天子憑玉几劔履若雲行日出  
照萬戶簪裾爛明星朝罷沐浴閒遨遊閭風亭濟濟雙  
闕下歡娛樂恩榮

凱歌

六首序曰天寶中匈奴回紇寇邊踰花門略  
金山烟塵相連侵軼海濱天子於是授鉞封  
大夫常清出師征之及破播仙奏  
捷獻凱乃作凱歌云

岑參

漢將承恩西破戎捷書先奏未央宮天子預開麟閣待  
祇今誰數貳師功

官軍西出過樓蘭營幕傍臨月窟寒蒲海曉霜凝馬尾  
葱山夜雪撲旌竿

鳴笳疊鼓擁回軍破國平蕃昔未聞大一作丈夫鵠印搖  
邊月天一作大將龍旗掣海雲

日落轅門鼓角鳴千羣面縛出蕃城洗兵魚海雲迎陣  
秣馬龍堆月照營

蕃軍遙見漢家營滿谷連山遍哭聲萬箭千刀一夜殺  
平明流血浸空城

暮雨旌旗濕未乾胡煙一作塵白草日光寒昨夜將軍連  
曉戰蕃軍只見馬空鞍

橫吹曲辭

隴頭水

盧照隣

隴阪高無極征人一望鄉關河別去水沙塞斷歸腸馬  
繫千年樹旌懸九月霜從來共嗚咽皆是為勤王

前題

沈佺期

隴山飛落葉隴鴈度寒天愁見三秋水分為兩地泉西  
流入羌郡東下向秦川征客重回首肝腸空自憐

前題

送別

儲光羲

相送隴山頭東西隴水流從來心膽盛今日爲君愁暗  
雪迷征路寒雲隱戍樓唯餘旌旆影相逐去悠悠

前題

楊師道

隴頭秋月明隴水帶關城笳添離別曲風送斷腸聲映  
雪峰猶暗乘冰馬屢驚霧中寒鴈至沙上轉蓬輕天山  
傳羽檄漢地急徵兵陣開都護道劍聚伏波營於茲覺  
無度方共濯胡纓

前題

貞半千

路出金河道山連玉塞門旌旗雲裏度楊柳曲中喧蹀  
血多壯膽裹革無怯魂嚴霜斂曙色大明辭朝暎塵銷

營卒壘沙靜都尉垣霧卷白山出風吹黃葉翻將軍獻  
凱入萬里絕河源

前題

沈如筠

借問隴頭水年年恨何事全疑嗚咽聲中有征人淚

前題

一作經隴頭分水

岑參

隴水何年有潺潺逼路傍東西流不歇曾斷幾人腸

隴頭吟

王維

長城少年游俠客夜上戍樓看太白隴頭明月迥臨關  
隴上行人吹夜笛關西老將不勝愁駐馬聽之雙淚流  
身經大小百餘戰麾下偏裨萬戶侯蘇武才爲典屬國

節旄空一作落盡海西頭

出塞

楊炯

塞外欲紛紜雌雄猶未分明堂占氣色華蓋辨星文二月河魁將三千太乙軍丈夫皆有志會見一作是立功勳

前題

被試

沈佺期

十年通大漠萬里出長平寒日生戈劍陰雲拂旆旌饑烏啼舊壘疲馬戀一作思空城辛苦臯蘭北胡塵損一作困

掩漢兵

前題

竇威

匈奴屢不平漢將欲一作復縱橫看雲方結陣却月始連

營潛軍度馬邑揚旆掩一作捲龍城會勒燕然石方傳車

騎名

前題

喬備

沙場三萬里猛將五千兵旌斷冰谿戍笳吹鐵關城陰雲暮下雪寒日晝無晶直為懷恩苦誰知邊塞情

前題

一作邊秋薄暮

蘇頲

海外秋鷹擊霜前旅鴈歸邊風思鼙鼓落日慘旌麾浦暗漁舟入川長獵騎稀客悲逢薄暮况乃事戎機

前題

虞世南

上將三略遠元戎九命尊緬懷古人節思酬明主恩山

西多勇氣塞北有遊魂揚桴一作鞭上隴坂勒騎下平原  
 誓將絕沙漠悠然去玉門輕齎不遑舍驚策驚戎軒凜  
 凜邊風急蕭蕭征馬煩雪暗天山道冰塞交河源霧鋒  
 黯無色霜旗凍不翻耿介倚長劔日落風塵昏

前題

張柬之

俠客重恩光驄馬飾金裝警聞傳羽檄馳突救邊荒歛  
 野山川動囂天旌旆揚吳鈎明似月楚劍利如霜電斷  
 衝胡塞風飛出洛陽轉戰磨笄地一作俗橫行戴斗鄉手  
 擒郅支長面縛谷蠡王將軍占太白小婦怨流黃驥裹  
 青絲騎娉婷紅粉粧三春鶯度曲八月鴈成行誰堪坐

愁思羅袖拂空林

前題

四首

王昌齡

秦時明月漢時關萬里長征人一作征夫未還但使龍城  
 飛將在不教胡馬度陰山

驢馬新跨白玉鞍戰罷沙場月色寒城頭鐵鼓聲猶振  
 匣裏金刀血未乾

白一作百花原上一作頭望京師黃河水流無已時一作盡期窮

秋一作秋天曠野行人絕馬首東來知是誰

音書杜絕白狼西桃李無顏黃鳥啼寒鴈春深歸去盡  
 出門腸斷草萋萋

前題

賈至

萬里平沙一聚塵南飛羽檄北來人傳道五原烽火急  
單于昨夜寇新秦

前題

王維

居延城外獵天驕白草連天野火燒暮雲空磧時驅馬  
秋日平原好射鵬護羌校尉朝乘障破虜將軍夜渡遼  
玉靶角弓珠勒馬漢家將賜霍嫖姚

前出塞 九首

杜甫

戚戚去故里悠悠赴交河公家有程期亡命嬰禍羅君  
已富土境開邊一何多棄絕父母恩吞聲行負戈

出門日已遠不受徒旅欺骨肉恩豈斷男兒死無時走  
馬脫轡頭手中挑青絲捷下萬仞岡俯身試舉旗  
磨刀鳴咽水水赤刃傷手欲輕腸斷聲心緒亂已久丈  
夫誓許國憤惋復何有功名圖麒麟戰骨當速朽  
送徒既有長遠戍亦有身生死向前去不勞吏怒嗔路  
逢相識人附書與六親哀哉兩決絕不復問苦辛  
迢迢萬餘里領我赴三軍軍中異苦樂主將寧盡聞隔  
河見胡騎倏忽數百羣我始為奴僕幾時樹功勳  
挽弓當挽強用箭當用長射人先射馬擒賊必擒王殺  
人亦有限立國自有疆苟能制侵陵豈在多殺傷

驅馬天雨雪軍行入高山逕危抱寒石指落層冰間已  
去漢月遠何時築城還浮雲暮南征可望不可攀  
單于寇我壘百里風塵昏雄劍四五動彼軍爲我奔虜  
其名王歸繫頸授轅門潛身備行列一勝何足論  
從君十年餘能無分寸功衆人貴苟得欲語羞雷同中  
原有鬪爭况在狄與戎丈夫四海志安可辭固窮

後出塞

五首

男兒生世間及壯當封侯戰伐有功業焉能守舊丘召  
募赴薊門軍動不可留千金買馬鞍白金裝刀頭閭里  
送我行親戚擁道周班白居易上列酒酣進庶羞少年別

有贈含笑看吳鉤

朝進東門營暮上河陽橋落日照大旗馬鳴風蕭蕭平  
沙列萬幕部伍各見招中天懸明月令嚴夜寂寥悲笳  
數聲動壯士慘不驕借問大將誰恐是霍嫖姚

古人重守邊今人重高勳豈知英雄主出師亘長雲六  
合已一家四夷且孤軍遂使貔虎士奮身勇所聞拔劍  
擊大荒日收胡馬羣誓開玄冥北持以奉吾君

獻凱日繼踵兩蕃靜無虞漁陽豪俠地擊鼓吹笙竽雲  
帆轉遼海秔稻來東吳越羅與楚練照耀輿臺軀主將  
位益崇氣驕凌上都邊人不敢議議者死路一作衢

我本良家子出師亦多門將驕益愁思身貴不足論躍  
馬二十年恐辜明主恩坐見幽州騎長驅河洛昏中夜  
間道歸故里但空村惡名幸脫免窮老無兒孫

入塞

劉希夷

將軍陷虜圍邊務息戎機霜雪交河盡旌旗入塞飛曉  
光隨馬度春色伴人歸課績朝明主臨軒拜武威

折楊柳

楊炯

邊地遙一作迷無極征人去不還秋容凋翠羽別淚損紅  
顏望斷流星驛心馳明月關藁砧何處在楊柳自堪攀

前題

盧照隣

倡樓啟曙扉楊柳正依依鶯啼知歲隔條變識春歸露  
葉凝愁黛風花亂一作落舞衣攀折將安寄軍中音信稀

前題

一作宋之問

沈佺期

玉牕朝日映羅帳春風吹拭淚攀楊柳長條踈一作地  
垂白花飛歷亂黃鳥度一作思參差妾自肝腸斷傷人那

得知

前題

韋承慶

萬里邊城地三春楊柳節葉似鏡中眉花如關外雪征  
人遠鄉思倡婦高樓別不忍擲年華含情寄攀折

前題

劉憲



沙塞三河道金閨二月春碧煙楊柳色紅粉綺羅人露  
葉憐啼臉風花思舞巾攀持君不見為聽曲中新

前題

崔湜

二月風光半三邊戍不還年華妾自惜楊柳為君攀落  
絮縈一作綠衫袖垂條拂髻鬟那堪音信斷流涕望陽關

前題

鄭愔

青柳映紅顏黃雲蔽紫關一作傳忽一作聞邊使一作信出枝葉  
為君攀舞腰愁欲斷春心望不還風花亂成雪羅綺淚

斑斑

前題

張九齡

纖纖折楊柳持取寄情人一枝何足貴憐是故園春遲  
景那能久芳菲一作流芳不及新更愁征戍客容鬢老邊塵

前題

李白

垂楊一作楊柳拂淥水搖豔一作豔東風年花明玉關雪葉暖  
金牕煙美人結長想一作恨對此心悽然攀條折春色遠

寄龍庭前一作沙邊

前題

余延壽

天道連國門東西種楊柳歲蕤君不見裊娜垂來久綠  
枝棲暝禽雄去雌獨吟餘花怨春盡微月起秋陰坐望  
牕中蝶起攀枝上葉好風吹長條婀娜何如妾妾見柳

古樂府 卷二 十一  
園新高樓四五春莫吹胡塞一作曲愁殺隴頭人

前題 喬知之

可憐濯濯春楊柳攀折將來就纖手妾容與此同盛衰  
何必君恩能獨久

關山月 盧昭隣

塞垣通碣石虜障抵祈連相思在萬里明月正孤一作不長

懸影移金岫北光斷玉門前寄言閨一作中婦時一作愁

看鴻鴈天

前題 崔融

月生西海上氣逐邊風壯萬里度一作關山蒼茫非一

狀漢兵開郡國胡馬窺亭障夜夜聞悲笳征人起南望

前題 沈佺期

漢月生遼海曠曠出半暉合昏玄菟郡中夜白登圍暈  
落關山迴光含霜霰微將軍聽曉角戰馬欲南歸

前題 徐九臯

玉塞抵長城金徽映高闕遙心萬餘里直望三邊月霜  
靜影逾懸露稀光漸沒思君不可見空歎將焉歇

前題 李白

明月出天山蒼茫雲海一作蒼蒞雲間長風幾萬里吹度玉  
門關漢下白登道胡窺青海灣由來征戰地不見有人

還戍客望邊色一作思歸多苦顏高樓當此夜歎息未

應閒

前題

儲光羲

一鴈過連營繁霜覆古城胡笳在何處半夜起邊聲

洛陽道

沈佺期

九門開洛邑雙闕對河橋白日青春道軒裳半下朝乘  
羊稚子看拾翠美人嬌行樂歸恒晚香塵撲地遙

前題

五首獻呂四郎中

儲光羲

洛水春冰開洛城春樹綠朝看大道上落花亂馬足  
劇孟不知名千金買寶劍出入平津邸自言嬌且艷

大道直如髮春日佳氣多五陵貴公子雙雙鳴玉珂

春風二月時道傍柳堪把上枝覆官閣下枝拂一作覆車

馬

洛水照千門千門碧空裏少年不得志走馬遊新市

前題

同儲十一二作

孟浩然

珠彈繁華子金羈遊俠人酒酣白日暮走馬入紅塵

前題

一作洛陽陌

李白

白玉誰家郎迴車渡天津看花東陌上驚動洛陽人

長安道

一作宋之問

沈佺期

秦地平如掌層城入一作出雲漢樓閣九衢春車馬千門

古樂府

卷二

十八

日綠槐開復合紅塵聚還散日晚鬪雞還一作經過狹  
斜看

前題 一作霍將軍

崔顥

長安甲第高入雲誰言居住霍將軍日晚朝迴擁賓從  
路傍揖拜何紛紛莫言炙手手可熱須臾火盡灰亦滅  
莫言貧賤即可欺人生富貴自有時一朝天子賜顏色  
世上一作事悠悠應一作君始知

前題 二首

儲光羲

鳴鞭過酒肆袷服遊倡門百萬一時盡含情無片言  
西行一千里暝色生寒樹暗聞歌吹聲知是長安路

梅花落

楊炯

窗外一株梅寒花五出開影隨朝日遠香逐便風來泣  
對銅鈎障愁看玉鏡臺行人斷消息春恨幾徘徊

前題

盧照鄰

梅院一作嶺花初發天山雪未開雪處疑花滿花邊似雪  
迴因風入舞袖雜粉向粧臺匈奴幾萬里春至不知來

前題

沈佺期

鐵騎幾時迴金閨怨早梅雪寒花已落風暖葉應開夕  
逐新春管香迎小歲杯盛時何足貴書裏報輪臺

前題

劉方平

新歲芳梅樹繁花一作苞四面同春風吹漸落一夜幾枝空少一作小婦今如此長城恨不窮莫將遼海雪來比後

庭中

紫驪馬

楊炯

俠客重周遊金鞭控紫驪蛇弓白羽箭鶴轡赤茸鞞發跡來南海長鳴向北州匈奴今未滅畫地取封侯

前題

盧照隣

驪馬照金鞍轉戰入臯蘭塞門風稍急長城水正寒雪暗鳴珂重一作易山長噴玉難不辭橫絕漠流血幾時乾

前題

沈佺期

青玉紫驪鞍驕多影屢盤荷君能剪拂躩蹀噴桑乾蹀足追奔易長鳴遇賞難縱金一萬里霜露不辭寒

前題

李白

紫驪行一作驕且嘶雙翻碧玉蹄臨流不肯渡似惜錦障泥白雪關山一作城遠黃雲海樹一作戍迷揮鞭萬里去安

得念一作戀春閨

驄馬

楊炯

驄馬鐵連錢長安俠少年帝畿平若水官路直如弦夜玉粧車軸秋金鑄馬鞭風霜但自保窮達任皇天

前題

沈佺期

西北五花驄來時道向東四蹄碧玉片雙眼黃金瞳鞍  
上留明月嘶間動朔風借君馳沛艾一戰取雲中

前題

萬楚

金絡青驄白玉鞍長鞭紫陌野遊盤朝驅東道塵恒滅  
暮到河源日未闌汗血每隨邊地苦蹄傷不憚隴陰寒  
君能一飲長城窟為報一作盡天山行路難

雨雪曲

盧照隣

虜騎三秋入關雲萬里平雪似胡沙暗冰如漢月明高  
闕銀為闕長城玉作城節旄零落盡天子不知名

劉生

楊炯

卿家本六郡年長入三秦白璧酬知己黃金謝主人劍  
鋒生赤電馬足起紅塵日暮歌鐘發喧喧動四隣

前題

盧照隣

劉生氣不平抱劍欲專征報恩為豪俠死難在橫行翠  
羽裝劍一作刀鞘黃金鏤一作飾馬纓但令一顧重不恡百  
身輕

出關

魏徵

中原初逐鹿投筆事戎軒縱橫計不就慷慨志猶存杖  
策謁天子驅馬出關門請纓係南越憑軾下東藩鬱紆  
陟高岫出沒望平原古木吟寒鳥空山啼夜猿既傷千

甲日還驚九折魂豈不憚艱險深懷國士恩季布無二  
諾八羸重一言人生感意氣功名誰復論

幽州胡馬客歌

李白

幽州胡馬客綠眼虎皮冠笑拂兩隻箭萬人不可干彎  
弓若轉月白鴈落雲端雙雙掉鞭行遊獵向樓蘭出門  
不顧後報國死何難天驕五單于狼戾好兇殘牛馬散  
北海割鮮若虎餐雖居燕支山不道朔雪寒婦女馬上  
笑顏如頰玉盤翻飛射鳥獸花月醉雕鞍旄頭四光芒  
爭戰如一作蜂攢白刃灑赤血流沙為之丹名將古誰  
是疲兵良可歎何時天狼滅父子得閒安

雜擬

白鼻騮

銀鞍白鼻騮綠地障泥錦細雨春風花落時

一作春風細雨落花

時揮鞭直一作就胡姬飲

木蘭歌

韋元甫

木蘭抱杆嗟借問復為誰欲聞所憾憾感激疆其顏老  
父隸兵籍氣力日衰耗豈足萬里行有子復尚少胡沙  
沒馬足朔風裂人膚老父舊羸病何以疆自扶木蘭代  
父去秣馬備戎行易却紈綺裳洗却鉛粉妝馳馬赴軍  
幙慷慨攜干將朝屯雪山下幕宿青海傍夜襲燕支虜

更攜干闥羌將軍得勝歸士卒還故鄉父母見木蘭喜  
 極成悲傷木蘭能承父母顏却卸巾韞理絲簧昔為烈  
 士雄今為一作復嬌子容親戚持酒賀父母始知生女與  
 男同門前舊軍都十年共崎嶇本結弟兄交死戰誓不  
 渝今者見木蘭言聲雖是顏貌殊驚愕不敢前歎息徒  
 嘻吁世有臣子心能如木蘭節忠孝兩不渝千古之名  
 焉可滅

相和引

箜篌引

王昌齡

盧

一作盧

谿郡南夜泊舟夜聞兩岸羌戎謳其時月黑猿

啾啾微雨霑衣令人愁有一遷客登高樓不言不寐強  
 箜篌彈作薊門桑葉秋風沙颯颯青塚頭將軍鐵驄汗  
 血流深入匈奴戰未休黃旗一點兵馬收亂殺胡人積  
 如丘瘡病驅來役一作配邊州仍披漠北羔羊裘顏色饑  
 枯掩面羞眼眶淚滴深兩眸思還本鄉食羴牛欲語不  
 得指咽喉或有強壯能咿嘍意說被他邊將讎五世屬  
 藩漢主留碧毛氊帳河曲遊橐駝五萬部落稠敕賜飛  
 鳳金兜鍪為君百戰如過籌靜掃陰山無鳥投家藏鐵  
 券特承優黃金千一作百斤不稱求九族分離作楚囚深  
 谿寂寞絃苦幽草木悲感聲颺颺僕本東山為國憂明



光殿前論九疇麓讀兵書盡冥搜爲君掌上施權謀洞  
曉山川無與儔紫宸詔發遠懷柔搖筆飛霜如奪鉤鬼  
神不得知其由憐愛蒼生比蚍蜉朔緣一作河屯兵須漸  
抽盡遣降來拜御溝便令海內休戈矛何用班超定遠  
侯史臣書之得已不

箜篌謠

李白

攀天莫登龍走山莫騎虎貴賤結交心不移唯有嚴陵  
及光武周公稱大聖管蔡寧相容漢謠一斗粟不與淮  
南春兄弟尚路人行路一作吾心安所從他人方寸間山海  
幾千重輕言託朋友對面九疑峰多一作花必早落桃

李不如松管鮑久已死何人繼其蹤

公無渡河

黃河西來決崑崙咆哮一作萬里觸龍門波滔天堯咨

嗟大禹理百川兒啼不窺家殺湍湮洪水九州始桑麻

其害乃去茫然風沙被髮之叟狂而癡清晨徑一作流

欲奚爲旁人不惜妻止之公無渡河苦渡之虎可搏河

難馮公果溺死流海湄海湄有長鯨白齒若雪山公乎

公平掛骨一作於其間箜篌所悲竟不一作還

相和曲

江南曲

宋之問

妾住越城南離居不自堪採花驚曙鳥摘葉餒春蠶懶  
結茱萸帶愁安玳瑁簪待君消瘦盡日暮碧一作綠江潭

前題

劉昫虛

美人何蕩漾湖上風日長玉手欲有贈徘徊雙明璫歌  
聲隨綠水怨色起青一作春陽日暮還家望雲波橫洞房

前題 八首

劉希夷

暮宿南洲草晨行北岼林日懸滄海闊水隔洞庭深烟  
景無留意風波有異潯歲遊難極日春戲易為心朝夕  
無榮遇芳菲已滿襟

艷唱潮初落江花露未晞春洲驚翡翠朱服弄芳菲畫

舫烟中淺青陽日際微錦帆衝浪濕羅袖拂行衣含情  
罷所採相歎惜流暉

君為隴西客妾遇江南春朝遊含靈果夕採弄風蘋果  
氣時不歇蘋花日自新以此江南物持贈隴西人空盈  
萬里懷欲贈竟無因

皓如楚江月靄若吳岫雲波中自皎鏡山上亦氤氳明  
月留照妾輕雲持贈君山川各離散光氣乃殊分天涯  
一為別江北不相聞

艤舟乘潮去風帆振早涼潮平見楚甸天際望維揚洞  
汭經千里烟波接兩鄉雲明江嶼出日照海流長此中

逢歲晏浦樹落花芳

暮春三月晴維揚吳楚城城臨大江汜迴映洞浦清金閣晴雲曲珠樓碧烟裏月明芳樹羣鳥飛風過長林雜花起可憐離別誰家子于此一至情何已

北堂紅草盛葺茸南湖碧水照芙蓉朝遊暮起金花盡漸覺羅裳珠露濃自惜妍華三五歲已歎關山千萬重人情一去無還日欲贈懷芳怨不逢

憶昔江南年盛時平生怨在長洲曲冠蓋星繁江水上衝風標落洞庭淙落花錦袖紅紛紛朝霞高閣洗晴雲誰言此處嬋娟子珠玉爲心以奉君

前題

李叔卿

湖上女江南花無雙越女春浣紗風似箭月如弦少年吳兒曉進船鄰家子弟謝家郎烏巾白袷紫香囊菱歌思欲絕楚舞斷人腸歌舞未終涕雙隕舊宮坡拖絕一作纒嶙隱西山暮雨過江來北渚春雲沿海盡渡口水流緩妾歸宵剩遲含情爲君再理曲月華照出澄江時

前題

四首

儲光羲

綠江深見底高浪直翻空慣是湖邊住舟輕不畏風逐流牽荇葉綠岸摘蘆苗爲惜鴛鴦鳥輕輕動畫橈日暮長江裏相邀歸渡頭落花如有意來去逐船流

隔江看樹色沿月聽歌聲不是長干住那從此路行

前題 五首

丁仙芝

長干斜路北近浦是兒家有意來相訪明朝出浣紗  
發向橫塘口船開值急流知郎舊時意且請攬船頭  
昨暝逗南陵風聲波浪阻入浦不逢人歸家誰信汝  
未曉已成妝乘潮去茫茫因從京口渡使報邵陵王  
始下芙蓉樓言發瑯琊岸急為打船開惡許傷人見

江南行

李康成

楊柳青青鶯欲啼風光搖蕩綠蘋齊金陵城頭日色低  
日色低情難極水中鳧鷖雙比翼

前題

張潮

茨菰葉爛別西灣蓮子花開一作新猶未還妾夢不離江  
水上人傳郎在鳳凰山

挽歌

趙微明

寒食高山明淒淒郭東路素車誰家子丹旄引將去原  
下荆棘叢叢邊有新墓人生一作間痛長別此是長別處  
曠野何蕭條風悲一作青松白楊樹

前題

孟雲卿

草草閭門一作市巷喧塗車儼成位一作市冥冥一作寂寂何  
所須盡我生人意北邙路非遠此別終天地臨穴頻撫

棺至哀反無淚爾形未衰老爾息纔童稚骨肉安可離  
皇天若容易房帷卽靈帳庭宇爲哀次薤露歌若斯人  
生盡如寄

前題

沈千運

北邙不種田但種松與栢松栢未生處留待市朝客

對酒

王勃

投簪下山閣攜酒對河梁狹水牽長鏡高花送斷香繁  
鷺歌似曲踈蝶舞成行自然催一醉非但閱年光

前題

二首

賈至

梅發柳依依黃鸝歷亂飛當歌憐景色對酒惜芳菲曲

水浮花氣流風散舞衣通宵留暮雨上客莫言歸  
春來酒味濃舉酒對春叢一酌千憂散三杯萬事空放  
歌乘美景醉舞向東風寄語尊前客生涯任轉蓬

前題

三首

李白

葡萄酒金叵羅吳姬十五細馬馱青黛畫眉紅錦靴道  
字不正嬌唱歌玳瑁筵中懷裏醉芙蓉帳底柰君何  
松子棲金華安期入蓬海此人古之仙羽化竟何在浮  
生速流電倏忽變光彩天地無彫換容顏有遷改對酒  
不肯飲含情欲誰待

勸君莫拒杯春風笑人來桃李如舊識傾花向我開流

鷓鴣啼碧樹明月窺金壘昨來朱顏子今日白髮催棘生  
石虎殿鹿走姑蘇臺自古帝王宅城闕閉黃埃君若不  
飲酒昔人安在哉

前題 一作對酒行

張說

留侯封萬戶園令壽千金本爲成王業初由賦上林繁  
榮安足恃霜露遽一作相尋鳥哭楚山外後啼湘水陰  
夢中城闕近天畔海雲深空對忘憂酒離愁不去心

前題 一作對酒吟

崔國輔

行行日將夕荒村古塚一作無人跡蒙籠荆棘一鳥鳴  
一作飛又作吟 一作屢勸唱 一作提壺沽酒聲 一作古人不達酒不足

遺恨精靈傳此曲寄言世上一作諸少年平生且盡杯

中醪

雞鳴 一作雞鳴篇

劉元淑

自從離別守空閨遙望征戰赴一作雲梯夜夜相思遼  
海北年年拋妾渭橋西陽春白日照空暖紫燕紅一作  
花向庭滿彩鸞琴裏怨聲多飛鵲鏡前粧梳斷誰家夫  
婿久一作從征應是漁陽別有情莫道紅顏燕地少家  
家還似洛陽城且逐新人殊未歸還令秋至夜霜飛北  
斗星前橫旅一作鴈南樓月下擣寒衣更一作深聞鴈  
腸欲絕獨處挑燈燈復滅暗啼羅帳空自憐夢度陽關

向誰說每矜一作憐容貌宛如神何其薄命不如人待君  
朝夕燕山至好作明年楊柳春

陌上桑

李白

美女渭橋東

一作遊女  
細綺衣

春還事蠶作五馬如飛龍

一作花

青絲結金絡不知誰家子調笑來

一作還來事

相謔妾本秦

羅敷玉顏豔名都綠條映素手採桑向城隅使君且不

顧况復論秋胡寒蠶愛碧草鳴鳳棲青梧託心自有處

但恠傷人愚徒令白日暮高駕空踟躕

前題

常建

桑陌上桑南枝交北堂美人金梯出素手自提筐非

但畏蠶饑盈盈嬌路傍

采桑

劉希夷

楊柳送行人青青西入秦誰家采桑女樓上不勝春盈

盈灞水曲步步春芳綠紅臉耀明珠絳脣含白玉回首

渭橋東遙憐春

一作樹

色同青絲嬌落日細綺弄春風攜

籠長歎息透遲

一作迤

戀春色看花若有情倚樹疑無力

薄暮思悠悠使君南陌頭相逢不相識歸去夢青樓

前題

宋氏

春來南鴈歸日去西蠶遠妾思紛何極客

一作君

遊殊未

返

吟歎曲

昭君曲

駱賓王

歛容辭豹尾絨怨度龍鱗金鈿明漢月玉筋染胡塵粧  
鏡菱花暗愁眉柳葉顰唯有清笳曲時聞芳樹春

王昭君

一作宋之問

沈佺期

非君惜鸞殿非妾妬蛾眉薄命由驕虜無情是畫師嫁  
來胡地日不並漢宮時辛苦無聊賴何堪馬上辭

前題

上官儀

玉關春色晚金河路幾千琴悲桂條上笛怨柳花前霧  
掩臨粧月風驚入鬢蟬絨一作書待迴使淚盡白雲

日南天

前題

梁獻

圖畫失天真容華坐誤人君恩不可再妾命在和親淚  
點關山月衣銷邊塞塵一聞陽鳥至思絕漢宮春

前題

李白

漢家秦地月流影送一作照明妃一上玉關道天涯去不  
歸漢月還從東海一作方出明妃西嫁無來日燕支長寒

雪作花蛾眉憔悴没胡沙生乏黃金枉圖畫死畱青塚  
使人嗟

前題 三首

郭元振



自嫁單于國長銜漢掖悲容顏日憔悴有甚畫圖時  
厭踐冰霜域嗟為邊塞人思從漠南獵一見漢家塵  
聞有南河信傳言殺畫師始知君念重更肯惜蛾眉

前題

崔國輔

漢使南還盡胡中妾獨存紫臺綿望絕秋草不堪論

明君詞

王偃

北望單于日半斜明君馬上泣胡沙一雙淚滴黃河水  
應得東流入漢家

前題

四首

儲光羲

西行隴上泣胡天南向雲中指渭川毳幙夜來時宛轉

何由得似漢王邊

胡王知妾不勝悲樂府皆傳漢國辭朝來馬上箜篌引  
稍似宮中間夜時

日暮驚沙亂雪飛傷人相勸易羅衣強來前殿看歌舞  
共待單于夜獵歸

彩騎雙雙引寶車羌笛兩兩奏胡笳若為別得橫橋路

莫隱

一作不憶

宮中玉樹花

前題

無名氏

一回望月一回悲望月月移人不移何時得見漢朝使  
為妾傳書斬畫師

昭君怨 二首

董思恭

新年猶尚小那堪遠聘秦  
 裾衫沾馬汗眉黛染胡塵  
 舉眼無相識路逢皆異人  
 唯有梅將李猶帶故鄉春  
 琵琶馬上彈行路曲中難  
 漢月正南遠燕山極一作北  
 寒髻鬟風拂亂一作散  
 眉黛雪沾殘斟酌紅顏盡一作徒  
 勞握鏡看

前題

張文琮

戒途飛萬里迴首望三秦  
 忽見天山雪還疑上苑春  
 玉痕垂粉淚羅袂拂胡塵  
 為得琴中曲還悲遠嫁人

前題

盧照隣

合殿恩中絕交河使漸稀  
 肝腸隨玉輦形影向金微  
 漢地草應綠胡庭沙正飛  
 願逐三秋鴈年年一度歸

前題

顧朝陽

莫將鉛粉匣不用鏡花光  
 一去邊城路何情更畫妝  
 影銷胡地月衣盡漢宮香  
 妾死非關命都一作緣怨斷腸

前題

東方虬

漢道方全盛朝廷足武臣  
 何須薄命妾辛苦事和親  
 搵淚辭丹鳳銜悲向白龍  
 單于浪驚喜無復舊時容  
 胡地無花草春來不似春  
 自然衣帶緩非是為腰身

前題

李白

昭君拂玉鞍上馬啼紅頰今日漢宮人明朝胡地妾

王子喬

宋之問

王子喬愛神仙七月七日上賓天白虎搖瑟鳳吹笙乘  
騎雲氣喻日精喻日精長不歸遺廟今在而人非空望

山頭草草露濕人一作衣

平調曲

長歌行

王昌齡

曠野饒悲風颼颼黃一作多蒿草繫馬倚白楊誰知我懷  
抱所是同袍者相逢盡衰老北一作况登漢家陵南望長  
安道下有枯樹根上有鼯一作鼯鼠窠高皇子孫盡千載

無人過寶玉頻發掘精靈其奈何人生須達一作信命有

酒且長歌

前題

李白

桃李得一作待日開榮華照當年東風動百物草木盡欲  
言枯枝無醜葉涸水吐清泉大力運天地義和無停鞭  
功名不早著竹帛將何宣桃李務青春誰能貫白日富  
貴與神仙嗟跼成兩失金石猶銷鑠風霜無久質畏落  
日月後強歡歌與酒秋霜不惜人倏忽侵蒲柳

前題

劉復

淮南木落秋雲飛楚宮商歌今正悲青春白日不與我

當壚舉酒勸君持出門驅馳四方事徒用辛勤不得意  
 三山海底無見期百齡世間莫虛棄君不見金城帝業  
 漢家有東制諸侯欲長久姦雄竊命風塵昏函谷重關  
 不能守龍蛇出沒經兩朝胡虜憑陵大道銷河水東流  
 宮闕盡五陵松栢自蕭蕭

短歌行

李白

白日何短短百年苦易滿蒼穹浩茫茫萬劫太極長麻  
 姑垂兩鬢一半已成霜天公見玉女大笑億千場吾欲  
 攬六龍迴車挂扶桑北斗酌美酒勸龍各一觴富貴非  
 所願為一作與人駐頹又作流光

前題

贈王郎司直

程肅

王郎酒酣拔劍斫地歌莫哀我能拔爾抑塞磊落之奇  
 才豫樟翻風白日動鯨魚跋浪滄溟開且說劍佩休徘  
 徊西得諸侯棹錦水欲向何門跋珠履仲宣樓頭春色  
 已一作深青眼高歌望吾子眼中之人吾老矣

猛虎行

李白

朝作猛虎行暮作猛虎吟腸斷非關隴頭水淚下不為  
 雍門琴旌旌一作旌旗續紛兩河道戰鼓驚山欲傾倒秦人  
 半作燕地囚胡馬翻銜洛陽草一輪一失關下兵朝降  
 夕叛幽薊城巨鼇未斬海水動魚龍奔走安得寧頗似

楚漢時翻覆無定止朝過博浪沙暮入一作宿淮陰市張

良未遇韓信貧劉項存亡在兩臣一作甄到下邳受兵略來

投漂母作主人賢哲一作達栖栖古如此今時亦棄青雲

士有策不敢犯龍鱗竄身南國避胡塵寶書玉一作長劍

束一作挂高閣金鞍駿馬散故人昨日方為宣城客掣鈴

交通二千石有時六博快壯心遶牀三匝呼一擲楚人

每道張旭竒心藏風雲世莫知三吳邦伯多一作皆顧眄

四海豪俠皆相推一作雄俠蕭曹曾一作亦作沛中吏攀

龍附鳳當有時溧陽酒樓三月春楊花茫茫一作漠漠愁殺

人胡雛綠眼吹玉笛吳歌白紵飛梁塵丈夫相見一作到處

且為樂椎牛搗鼓會眾賓我從此去釣東一作滄海得魚

笑寄情相親

前題一作猛虎詞

儲光羲

寒亦不憂雪饑亦不食人人肉豈不甘所惡傷神明太

室為我宅孟門為我隣百獸為我膳五龍為我賓蒙一作

幕馬一何威浮江亦以仁彩章耀朝日爪牙雄武臣高

雲逐氣浮厚地隨聲震君能賈餘勇日夕長相親

燕歌行

陶翰

請君畱楚調聽我吟燕歌家在遼水頭邊風意氣多出

身為漢將正值戎未和雪中凌天山水上度交河大小

百餘戰封侯竟蹉跎歸來灞陵下故舊無相過雄劍委  
塵匣空門唯一作垂雀羅玉簪還趙姝瑤琴付齊娥昔日  
不為樂時哉今奈何

前題

屈同仙

漁陽八月塞草腓征人相對併思歸雲和朔氣連天暗

一作黑蓬雜驚一作胡沙散野飛是時天地陰埃遍瀚海龍

城皆血一作習戰兩軍鼓角暗相聞四面旌旗看不見昭

君遠嫁已年多戎狄無厭不復一作尚和漢兵候月秋防

塞胡騎乘冰夜渡河河塞東西萬餘里地與京華不相

似燕支山下一作上少春一作光輝黃沙積裏無流水金戈

玉劍十年征紅粉青樓多怨情厭向姝方一作鄉久離別

秋來愁聽擣衣聲

前題

賈至

國之重鎮惟幽都東威九夷北制胡五軍精卒三十萬

百戰百勝擒單于前臨滹沱後易一作沮水崇山沃野巨

千里昔時燕山重賢士黃金築臺從隗始倏忽興亡空

薊丘漢家又以封王侯蕭條魏晉為橫流鮮卑竊據朝

五州我唐區夏餘十紀軍容武備赫萬祀彤弓黃鉞授

元帥墾耕大漠為內地季秋膠折邊草腓治兵羽獵因

出師千營萬隊連旌旗望之如火忽電馳匈奴懾竄窮

髮北大荒萬里無塵飛君不見隋家昔爲天下宰窮兵  
黷武征遼海南風不競多死聲鼓卧旗折黃雲橫六軍  
將士皆死盡戰馬空鞍歸故營時遷道革天下平白環  
入貢滄海清自有農夫已高枕無勞校尉重橫行

前題

序曰開元二十六年客有從御史大夫張公  
出塞而還者作燕歌行以示適感征戍之事

因而和焉

高適

漢家烟塵在東北漢將辭家破殘賊男兒本自重橫行  
天子非常賜一作借顏色縱金伐鼓下榆關旌旆逶迤碣  
石間校尉羽書飛瀚海單于獵火照狼山山川蕭條極  
邊土胡騎憑陵雜風雨戰士軍前半死生美人帳下猶

歌舞大漠窮秋塞草腓孤城落日鬪兵稀身當恩遇常  
輕敵力盡關山未解圍鐵衣遠戍辛勤久玉筋應啼別  
離後少婦城南欲斷腸征人薊北空回首邊庭飄颻那  
可度絕域蒼茫一作黃無一作何所有殺氣三時作陣雲寒  
聲一夜傳刁斗相看白刃血一作雪紛紛死節從來豈顧  
勳君不見沙場征戰苦至今猶憶李將軍

從軍行

楊炯

烽火照西京心中自不平牙璋辭鳳闕鐵騎繞龍城雪  
暗凋旗畫風多雜鼓聲寧爲百夫長勝作一書生

前題

駱賓王

平生一顧重一作念意氣溢三軍野日分戈影天星合劍  
文弓弦抱漢月馬足踐胡塵不求生入塞唯當死報君

前題

劉庭琦

朔風吹寒塞胡沙千萬里陣雲出岱山孤月生海水次  
勝方求敵銜恩本輕死蕭蕭牧馬鳴中夜拔劍起

前題

王維

吹角動行人喧喧行人起笳悲馬嘶亂爭渡金河水日  
暮沙漠陲戰聲煙塵裏盡繫名王頸歸來獻一作報天子

前題

崔國輔

塞北胡霜下營州索兵救夜裏偷道行將軍馬亦瘦刀

光照塞月陣色明如晝傳聞賊滿山已其前鋒鬪

前題

李白

從軍玉門道逐虜金微山笛奏梅花曲刀開明月環鼓  
聲鳴海上兵氣擁雲間願斬單于首長驅靜鐵關

前題

二首

虞世南

塗山烽候驚弭節度龍城冀馬樓蘭將燕犀上谷兵劍  
寒花不落弓曉月逾明凜凜嚴霜節冰壯黃河絕蔽日  
卷征蓬浮天散飛雪全兵值月滿精騎乘膠折結髮早  
驅馳辛苦事旌麾馬困一作凍重關冷輪摧九折危獨有  
西山將年年屬數奇



烽火發金微連營出武威孤城塞雲起絕陣虜塵飛俠  
客吸龍劍惡少縵胡衣朝摩骨都壘夜解谷蠡圍蕭關  
遠無極蒲海廣難依沙磴離旌斷晴川候馬歸交河梁  
已畢燕山旆欲揮方知萬里相侯服見光輝

前題

劉希夷

秋天風颯颯

一作風來瑟瑟

羣胡馬行疾嚴城晝不開伏兵暗

相失天子廟堂拜將軍凶門出紛紛晉陽道戎馬幾萬

匹軍門壓黃河兵氣衝白日平生懷仗劍慷慨即一作既

投筆南登漢月孤北走代一作燕雲密近取韓彭計早知

孫吳術丈夫清萬里誰能掃一室

前題

喬知之

南庭結白露北風掃黃葉此時鴻鴈來驚鳴催思妾曲  
房理針線平砧搗文練鴛綺裁易成龍鄉信難見窈窕  
九重閨寂寞十年啼紗牕白雲宿羅幌月光栖雲月隱  
微微夜上流黃機玉霜凍珠履金吹薄羅衣漢家已得  
地君去將何事宛轉結蠶書寂寥無鴈使平生荷恩信  
本為容華進况復落紅顏蟬聲催綠鬢

前題

一作杜顏又作王昌齡

杜顏

秋草馬蹄輕角弓持弦急去為龍城候正值胡兵襲軍  
氣橫大荒戰酣日將入長風金鼓動白露鐵衣濕四起

古樂府 卷二 四十一  
愁邊聲南轅時佇立斷蓬孤自轉寒鴈飛相及萬里雲  
沙漲平川冰霰澀夜聞漢使歸獨向刀環泣

前題

王昌齡

向夕臨大荒朔風軫歸慮平沙萬餘里飛鳥宿何處虜  
騎獵長原翩翩傍河去邊聲搖白草海氣生黃霧百戰  
苦風塵十年履霜露雖投定遠筆未坐將軍樹早知行  
路難悔不理章句

前題

王宏

兒生三日掌上珠燕領猿肱穠李膚十五學劍北擊胡  
羌歌燕筑送城隅城隅路接伊川驛河陽渡頭邯鄲陌  
可憐年少把手時黃鳥雙飛梨花白秦王築城二千里  
西自臨洮東遼水山邊疊疊黑雲飛海畔萋萋青草死  
從來戰鬪不求勳殺身爲君君不聞鳳皇樓上吹急管  
落日衰徊腸先斷

前題

李昂

漢家未得燕支山征戌年年沙朔間塞下長驅汗血馬  
雲中恒閉玉門關陰山瀚海千萬里此日桑河凍流水  
稽洛山邊胡騎來漁陽戍裏烽烟起長途羽檄何相望  
天子按劍思北方羽林練士拭金甲將軍校戰出玉堂  
幽陵異域風烟改亭障連連古今在夜聞鴻鴈南渡河

曉望旌旗北臨海塞沙飛浙瀝遙裔連窮磧玄漠雲平  
初合陣西山月出聞鳴鏑城南百戰多苦辛路傍死卧  
黃沙人戎衣不脫隨霜雪汗馬趨趨長被鐵楊葉樓中  
不寄書蓮花劍上空流血匈奴未滅不言家驅逐行行  
邊徼賒歸心海外見明月別思天邊夢落花落花迴望  
何悠悠芳樹無人度隴頭春雲不變陽關雪桑葉先知  
胡地秋田疇不賣盧龍策竇憲思勒燕然石麾兵靜北  
垂此日交河湄欲令塞上無干戚會待單于繫頸時

前題

賀朝

朔胡乘月寇邊城軍書插羽刺中京天子金壇拜飛將

單于玉塞振佳兵騎射先鳴推任俠龍韜決勝佇時英  
聞有河湟客悄悄理帷帟常山啟霸圖汜水先天策銜  
珠浴鐵向桑乾釁旗膏劍指烏丸鳴雞已報關山曉來  
鴈遙傳沙塞寒直爲甘心從苦節隴頭流水鳴鳴咽邊  
樹蕭蕭不覺春天山漠漠長飛雪魚麗陣接塞雲平鴈  
翼營通海月明始看晉幕飛鴛入旋聞齊壘啼烏聲自  
從一戍燕支山春光幾度晉陽關金河未轉青絲騎玉  
筋應啼紅粉顏鴻歸燕相續池邊芳草綠已見氛清細  
柳營莫更春歌落梅曲烽沈竈減靜邊亭海晏山空肅  
已寧行望鳳京旋凱捷重來麟閣畫丹青

前題

李頎

白日登山望烽火，  
 黃昏飲馬傍交河。  
 行人刁斗風沙暗，  
 公主琵琶幽怨多。  
 野雲萬里無城郭，  
 雨雪紛紛連大漠。  
 胡鴈哀鳴夜夜飛，  
 胡兒眼淚雙雙落。  
 聞道玉門猶被遮，  
 應將性命逐輕車。  
 年年戰骨埋荒外，  
 空見蒲桃入漢家。

前題

三首末首集作從軍詞

王維

簇甲從軍久，  
 風雲識陳難。  
 今朝拜韓信，  
 計日斬成安。  
 燕領多奇相，  
 狼頭敢犯邊。  
 寄言班定遠，  
 正是立功年。  
 旄頭夜落捷書飛，  
 來奏金門看賜衣。  
 白馬將軍頻破敵，  
 黃龍戍卒幾時歸。

前題

八首

王昌齡

大將軍出戰，  
 白日暗榆關。  
 三面黃金甲，  
 單于破膽還。  
 烽火城西百尺樓，  
 黃昏獨上坐。  
 一作海風秋更吹，  
 羌橫一作

笛關山月無那，  
 誰解金閨萬里愁。

琵琶起舞換新聲，  
 總是關山舊。離一作  
 別情撩亂邊愁聽。

一作不盡高高秋，  
 月照長城關。  
 城榆葉早疎，  
 黃日暮雲沙。  
 古戰場表請回軍，  
 掩塵骨莫教兵士哭。  
 龍荒青海長雲暗，  
 雪山孤城遙望玉。鴈一作  
 門關黃沙百戰穿。  
 金甲不破樓蘭終，  
 竟一作不還。

大漠風塵日色昏紅旗半捲出轅門前軍夜戰洮河北  
已報生擒吐谷渾

胡瓶落膊紫薄汗碎葉城西秋月團明敕星馳封寶劍  
辭君一夜取樓蘭

玉門山嶂幾千重山北山南總是烽人依遠戍須看火  
馬踏深山不見蹤

前題二首

李白

騮馬新跨一作白玉鞍戰罷沙場月色寒城頭鐵鼓聲

猶震匣裏金刀血未乾  
百戰沙場碎鐵衣城南已合數重圍突營射殺呼延將

獨領殘兵千騎歸

前題

崔融

穹廬雜種亂金方武將神兵下玉堂天子旌旗過細柳  
匈奴運數盡枯楊關頭落月橫西嶺塞下凝雲斷北荒  
漠漠邊塵飛衆鳥昏昏朔氣聚羣羊依稀蜀杖迷新竹  
髣髴胡牀識故桑臨海舊來聞驃騎尋河本自有中郎  
坐看戰壁爲平土近待軍營作破羌

鞠歌行

李白

玉不自言如桃李魚目笑之卞和耻楚國青蠅何太多  
連城白壁遭讒毀荆山長號泣血人忠臣死爲刖足鬼

聽曲知甯戚夷吾因小妻秦穆五羊皮買死百里奚洗  
拂青雲上當時賤如泥朝歌鼓刀叟虎變磻谿中一舉  
釣六合遂荒營丘東平生渭水曲誰識一作數此老翁柰  
何今之人雙目送飛征一作鴻

雜擬

銅雀臺

一作宋之問

沈佺期

昔年分鼎地今日望陵臺一日雄圖盡千秋遺令開綺  
羅君不見歌舞妾空來恩共漳河水東流無重回

前題

賈至

日暮銅臺靜西陵鳥雀歸撫絃心斷絕聽管淚霏微靈

几臨朝奠空牀卷夜衣蒼蒼川上月應照妾魂飛

前題

王無競

北登銅雀上西望青松郭總帳空蒼蒼陵田紛漠漠平  
生事已變歌吹宛猶昨長袖拂玉塵遺情結羅幕妾怨  
在朝露君恩豈中薄高臺奏曲終曲終淚橫落

前題

劉庭琦

銅臺宮觀委灰塵魏主園陵漳水濱卽今西望猶堪思  
况復當時歌舞人

銅雀妓

二首

王勃

金鳳鄰銅雀漳河望鄴城君王無處所臺榭若平生舞

席一作筵紛何一作可就歌梁儼未傾西陵松檟冷誰見綺

羅情

妾本深宮妓層城閉九重君王歡愛盡歌舞為誰容錦  
衾不復襲羅衣誰再縫高臺西北望流涕向青松

前題

喬知之

金閣惜分香鉛華不重粧空餘歌舞地猶是為君王哀  
弦調已絕艷曲不須長共看西陵暮秋烟起白楊

前題

鄭愔

日斜漳浦望風起鄴臺寒玉座平生晚金樽妓吹闌舞  
餘依帳泣歌罷向陵看蕭索松風暮愁烟入井榦一作欄

前題

袁暉

君愛本相饒從來似舞腰那堪攀玉座腸斷望陵朝怨  
着情無主哀凝曲不調况臨松日暮悲吹坐蕭蕭

前題

劉方平

遺令奉君王嘖蛾強一妝歲移陵樹色恩在舞衣香玉  
座生秋氣銅臺下夕陽淚痕沾井榦舞袖為誰長

前題

高適

日暮銅雀迴秋深玉座清蕭森松柏望委鬱綺羅情君  
恩不再得妾舞為誰輕

前題

李邕

西陵望何及絃管徒在茲誰言死者樂但令生者悲  
夫有餘志兒女焉足私擾擾多俗情投迹互相師直節  
豈感激荒淫乃淒其潁水有許由西山有伯夷頌聲何  
寥寥唯聞銅雀詩君舉良未易永為後代嗤

清調曲

苦寒行

喬知之

胡天夜清迴孤雲獨飄揚搖曳出鴈關逶迤含晶光陰  
陵久徘徊幽都無多夕一作夕陽祁寒凍巨海殺氣流大荒  
朔馬飲寒冰行子履胡霜路有從役倦卧死黃沙場羈  
旅因相依慟之淚沾裳由來從軍行賞存不賞亡亡者

誠已矣徒令存者傷

前苦寒行 二首

杜甫

漢時長安雪一丈牛馬毛寒縮如蝟楚江巫峽水入懷  
虎豹哀號又堪記秦城老翁荆楊客慣習炎蒸歲絺綌  
玄冥祝融氣或交手持白羽未敢釋

去年白帝雪在山今年白帝雪在地凍埋蛟龍南浦縮  
寒刮肌膚北風利楚人四時皆麻衣楚天萬里無晶輝  
三尺之烏足恐斷羲和迭迭將安歸

後苦寒行 二首

南紀巫廬瘴不絕太古以來無尺雪蠻夷長老怨苦寒



崑崙天關凍應折玄猿口噤不能嘯白鵠翅垂眼流血  
安得春泥補地裂

晚來江門一作失大木猛風中夜飛一作白屋天兵斬

斷青海戎殺氣南行動坤軸不爾苦寒何大酷巴東之

峽生凌澌彼蒼迴幹人得知

豫章行

李白

胡風吹代馬一作燕人攢赤羽北擁魯陽關吳兵照海雲西討

何時還半渡上遼津黃雲慘無顏老母與子別呼天野

草間百鳥一作白馬繞旌旗悲鳴相追攀白楊秋月苦早落

豫章山本為休明人斬虜素不閑豈惜戰鬪死為君掃

兇頑精感石沒羽豈云憚險艱樓船若鯨飛波蕩落星

灣此曲不可奏三軍鬢一作髮成斑

相逢行

崔顥

妾年初二八家住洛橋頭玉戶臨馳道朱門近御溝使

君何暇問夫婿大長秋女弟新承寵諸兄近拜侯春生

百子殿花發五城樓出入千門裏年年樂未休

前題二首

李白

朝騎五花馬謁帝出銀臺秀色誰家子雲車一作珠箔

開金鞭遙指點玉勒近一作遲回來轂相借問疑一作

從天上來一有隣陽愁欲斷斜日復相催邀一作入

青綺門當歌共銜杯一作嬌羞初解銜杯映歌扇似月

雲中見相見不得親不如不相見相見情已深未語可

知心胡為守空閨孤眠愁錦衾錦衾與羅幃纏綿會何

時春風正澹蕩一作暮雨來何遲願因三青鳥更報

寄長相思光景不待人須更髮成絲當一作年失行樂

老去一作徒傷悲持此道密意毋令曠佳期

相逢紅塵內高揖黃金鞭萬戶垂楊裏君家阿那邊

三婦艷

董思恭

大婦裁紈素中婦弄明璫小婦多姿態登樓紅粉粧

人且安坐初日漸流光

前題

王紹宗

大婦能調瑟中婦詠新詩小婦獨無事花庭曳履綦上

客且安坐春日正遲遲

秋胡行

高適

妾本邯鄲未嫁時容華倚翠人未知一朝結髮從君子

將妾迢迢東魯一作陸時逢大道無艱阻君方遊宦從

陳汝蕙樓獨卧頻度春彩閣辭君幾徂暑三月垂楊蠶

未眠攜籠結侶南陌邊道逢行子不相識贈妾黃金買

少年妾家夫婿經離久寸心誓與長相守願言行路莫

多情道妾貞心在人口日暮蠶饑相命歸攜籠端飾來

庭闈勞心苦力終無恨所冀一作貴君恩一作那即一作可依聞  
說行人已歸止乃是向來贈金子相看顏色不復言相  
顧懷慙有何已從來自隱無疑背直爲君情也相會如  
何咫尺仍有情況復迢迢千里外誓將一作此時顧恩不顧  
身念君此日赴河津莫道向來不得意故欲畱規誠後  
人

雜擬

中婦織流黃

虞世南

寒閨織素錦含怨斂雙蛾綜新交縷澁經脆斷絲多衣  
香逐舉袖釧動應鳴梭還恐裁縫罷無信達交河

瑟調曲

來日大難

李白

來日一身攜糧負薪道長一作長鳴食盡苦口焦唇今日醉

飽樂過千春仙人相存誘我遠學海凌一作上三山陸憇

五嶽乘龍天飛目瞻兩角授以神一作仙藥金丹滿握螭

蛄蒙恩深愧短促思填東海強銜一木道重天地軒師

廣成蟬翼九五以求長生下士大笑如蒼蠅聲

隴西行

王維

十里一走馬五里一揚鞭都護軍書至匈奴圍酒泉關  
山正飛雪烽戍斷無烟

飲馬長城窟行

太宗

塞外悲風切交河水已結瀚海百重波陰山千里雪迴  
戍危烽火層巒引高節悠悠卷旆旄飲馬出長城寒沙  
連騎跡朔吹斷邊聲胡塵清玉塞羌笛韻金鉦絕漠干  
戈戢車徒振原隰都尉反龍堆將軍旋馬邑揚麾氛霧  
靜紀石功名立一作功銘玄石荒裔一戎衣靈一作雲臺凱歌入  
馳馬渡河干流深馬渡難前途錦車使都護在樓蘭輕  
騎猶銜勒疑兵尚解鞍温池下絕澗棧道接危巒拓地  
勳未賞亡城律詎寬有月關猶暗經春隴尚寒雲昏無

前題

虞世南

復影冰合不聞湍懷君不可遇聊持報一餐

前題

袁朗

朔風動秋草清蹕長安道長城連不窮所以隔華戎規  
模惟聖作負荷曉成功鳥庭已向內龍荒更鑿空玉關  
塵卷靜金微路已通湯征隨北怨舜詠起南風畫地一作  
野功初立綏邊事云集朝服踐狼居凱歌旋馬邑山響  
傳鳳吹霜華藻瓊釵屬國擁節歸單于欵關入日落寒  
雲一作風起驚河被原隰零落葉已寒河流清且急四時  
徭役盡千載干戈戢太平今若斯汗馬竟無施唯當事  
筆硯歸去草封禪

前題

一作古長城吟

王翰

長安少年無遠圖，一生惟羨執金吾。麒麟前殿拜天子，  
 走馬西擊長城。君一作為西擊胡，胡沙獵獵吹人面。漢虜相逢  
 不相見，遙聞鼙鼓動地來。傳道單于夜猶戰，此時顧恩  
 寧顧身為君。一行一作呼摧萬人，壯士揮戈迴白日。單于  
 濺血汚一作染朱輪，迴一作歸來飲馬長城窟。長城道傍多  
 白骨，問之耆老何代人。云是秦王築城卒，黃昏塞北無  
 人烟。鬼哭啾啾聲沸天，無罪見誅功不賞。孤魂流落此  
 城邊，當昔秦王按劍起，諸侯膝行不敢視。富國強兵二  
 十年，築怨興徭一作聲九千里。秦王築城何太愚，天實亡

秦葬北胡，一朝禍起蕭牆內。渭水咸陽不復都。

上留田行

李白

行至上留田，孤墳何崢嶸。積此萬古恨，春草不復生。悲  
 風四邊來，腸斷白楊聲。借問誰家地，埋沒蒿里塋。古老  
 向余言，言是上留田。蓬科馬鬣今已平，昔之弟死兄不  
 葬，他人於此舉銘旌。一鳥死，百鳥鳴；一獸走，百獸驚。相  
 常一作山之禽，別離苦欲去，迴翔不能征。田氏倉卒骨肉  
 分，青天白日摧紫荆。交柯之木本同形，東枝顛賴西枝  
 榮。無心之物尚如此，參商胡乃尋天兵。孤竹延陵讓國  
 揚名高，風緬邈。頽波激清尺布之誣，塞耳不能聽。

放歌行

王昌齡

南渡洛陽津西望十二樓明堂坐天子月朔朝諸侯清

樂動千門皇風被九州慶雲從東來一作出泱泱抱日流

昇平貴論道文墨將何求有詔徵草澤微誠將獻謀一作

獻謀冠冕如星羅拜揖曹與周望塵非吾君一作君事入賦

且遲留幸蒙國士識因脫負薪裘今者放歌行以慰梁

甫愁但營數斗祿奉養每豐羞若得金膏遂飛雲亦可

壽一作求

前題

孟雲卿

吾觀天地圖世界亦何小落落大海中飄浮數洲島賢

愚與蟻蝨一種同草草地脉日夜流天衣有時掃東山

謁居士了我生死道目見難噬臍心通可親腦軒皇竟

磨滅周孔亦衰老永謝當時人吾將寶非寶

前題

答從弟墨卿

李頎

小來好文耻學武世上功名不解取雖沾寸祿已後時

徒欲出身事明主柏梁賦詩不及宴長楸走馬誰相數

歛迹俛眉心自甘高歌擊節聲半苦由是蹉跎一老夫

養雞牧豕東城隅空歌漢代蕭相國肯事霍家馮子都

虛爾當年聲籍籍濫作詞林兩京客故人斗酒安陵橋

黃鳥春風洛陽陌吾家令弟本不羈五言破的人共推

興來逸氣如濤湧千里長江歸海時別離短景何蕭索  
佳句相思能間作舉頭遙望魯陽山木葉紛紛向人落

野田黃雀行

儲光羲

嘖嘖野田雀不知軀體微閒穿深叢一作踈蒿裏爭食復爭  
飛窮老一積舍棗多桑樹稀無棗猶可食無桑何以衣  
蕭條空倉暮相引時來歸斜路豈不捷渚田豈不肥水  
長路且壞惻惻與心違

前題

李白

遊莫逐炎洲翠棲莫近吳宮燕吳宮火起焚爾一作巢  
炎洲逐翠遭網羅蕭條兩翅蓬蒿下縱有鷹鷂柰若一作

何

飛來雙白鶴

虞世南

飛來雙白鶴奮翼遠凌烟俱棲集紫蓋一舉背青田颺  
景過伊洛流聲入管弦鳴羣倒景外刷羽闐風前映海  
疑浮雪拂澗瀉飛泉燕雀寧知去蜉蝣不識還何言別  
儔侶從此間山川顧步已相失徘徊各自憐危心猶警  
露哀響詎聞天無因振六翮輕舉復隨仙

門有車馬客

陳遵一作財雄重交結田蚡一作戚里擅豪華曲臺臨上路高軒  
抵狹斜赭汗千金馬繡軸一作轂五香車白鶴隨飛蓋朱

鷺入鳴笳夏蓮開劍水春桃發綬花高談辯飛兔摘藻  
 握靈蛇一作輕翥舞迴逢恩出毛羽失路委泥沙曖曖  
 風烟晚路長歸騎遠日斜青瑣第塵飛金谷苑危弦促  
 柱奏巴渝遺簪墮珥解羅襦如何守直道翻使谷名愚  
 一無曖曖以下八句

前題

李白

門有車馬客金鞍耀朱輪謂從雲一作丹霄落乃是故鄉  
 親呼兒掃中堂坐客論悲辛對酒兩不飲停觴淚盈巾  
 歎我萬里遊飄飄一作飄三十春空談霸一作帝王略紫綬  
 不挂身雄劍藏玉匣陰符生素塵廓落無所合流離湘

水濱借問宗黨間多為泉下人生苦百戰役死託萬鬼  
 隣北風揚胡沙霾翳周與秦大運且如此蒼穹寧匪仁  
 惻愴竟何道存亡任天鈞

蜀道難

一作張琮

張文琮

梁山鎮地險積石阻雲端深谷下寥廓層巖上鬱盤飛  
 梁架絕嶺棧道接一作危巒攬轡獨長息方知斯路難

前題

李白

噫吁戲危乎高哉蜀道之難難於上青天蠶叢及魚鳧  
 開國何茫然爾來四萬八千歲不一作與秦塞通人烟  
 西當太白有鳥道可以橫絕峨眉巔地崩山摧壯士死



然後天梯石棧相一作方鉤連上有六龍回日之高標一作

上有橫河斷海之浮雲下有衝波逆折之迴川黃鶴之飛尚不得

過字猿猱欲度愁攀緣一作牽青泥何盤盤百步九折

紫巖巒捫參歷井仰脅息以手撫膺一作心坐長歎問君

西遊何時一作當還畏途巉巖不可攀但見悲鳥號古木

雄飛雌從一作從雌繞林間又聞子規啼夜月一作月落愁

空山蜀道之難難於上青天使人聽此凋朱顏連峰去

天不盈尺一作連峯入枯松倒挂倚絕塵飛湍瀑流爭

喧豗砢崖轉石萬壑雷其險也若此嗟爾遠道之人胡

為乎來哉劍閣崢嶸而崔巍一夫當關萬人一作夫莫開

所守或匪親一作人化為狼與豺朝避猛虎夕避長蛇虜

牙吮血殺人如麻錦城雖云樂不如早還家蜀道之難

難於上青天側身西望長咨一作令人嗟

棹歌行

徐堅

棹女飾銀鈎新粧下翠樓霜絲青桂楫蘭棹紫霞舟水

落金陵曙風起洞庭秋扣舷過曲浦飛帆越回流影入

桃花浪香飄杜若洲洲長殊未返蕭散雲霞晚日下大

江平烟生歸岸遠岸遠聞潮波爭途遊戲多因聲趙津

女來聽采菱歌

前題

駱賓王

寫月圖黃罷凌波拾翠通鏡花搖芰日衣麝入荷風葉  
 密舟難蕩蓮疎浦易空鳳媒羞自託鴛翼恨難窮秋一作  
 愁帳燈光一作華翠倡樓粉色紅相思無別曲併在棹歌  
 中

胡無人行

徐彥伯

十月繁霜下征人遠鑿空雲搖錦車節海照角端弓暗  
 磧一作雪埋沙樹衝飈卷塞蓬方隨膜拜入歌舞玉門中

前題

李白

嚴風吹霜海草凋筋斡精堅胡馬驕漢家戰士三十萬  
 將軍兼領一作誰者霍嫖姚流星白羽腰間插劍花秋蓮光

出匣天兵照雪下玉關虜箭如沙射金甲雲龍風虎盡

一作畫交迴太白入月敵可摧旄頭滅履胡之腸

涉胡血懸胡青天上埋胡紫塞旁胡無人漢道昌一下

下之壽三千霜但歌大風雲飛揚安用猛士兮守四方

白頭吟

錦水東北流波蕩雙鴛鴦雄巢漢宮樹雌弄秦草芳寧  
 同萬死碎綺翼不分一作忍雲間兩分張此時阿嬌正嬌

妬獨坐長門愁日暮但願君恩顧妾深豈惜黃金買詞  
 賦相如作賦得黃金丈夫好新多異心一朝將聘茂陵

女文君因一作怨贈一作賦白頭吟東流不作西歸水落花

辭條羞故林兔絲本一作固無情隨風任傾倒誰使女蘿

枝而來強縈抱兩草猶一心人心不如草莫捲龍鬚席

從他生網絲且留琥珀枕一作會有夢來時覆水再收

豈滿杯棄妾已去難重回古來一作時得意不相負祗今

唯見青陵臺一作樹錦水東流碧波蕩雙鴛鴦一作武帝赤車駟

馬生輝光一朝再覽大人作萬乘忽欲凌雲翔聞道阿

嬌失恩寵千金買賦要君王相如不憶貧賤日官高金

多聘私室茂陵姝子皆見求文君歡愛從此畢淚如雙

泉水行墮紫羅襟五起雞三唱清晨白頭吟長吁不整

綠雲鬢仰訴青天哀怨深城崩杞梁妻誰道土無心東

流不作西歸水落花辭條羞故林頭上玉燕釵是妾嫁

時物贈君表相思羅袖幸時拂莫卷龍鬚席從他生網

絲上留琥珀枕還有夢來時鸞鵲裘在錦屏上自君一

挂無由披妾有秦樓鏡照心勝照井願持照新人雙對

可憐影覆水却收不滿杯相如還謝文君迴古來得意

不相負祗今唯有青陵臺

梁父吟

長嘯梁父吟何時見陽春君不見朝歌屠叟辭棘津八

十西來釣渭濱寧羞白髮照綠一作清水逢時吐一作壯氣

思經綸廣張三千六百釣風期一作雅暗與文王親大賢

虎變愚不測當年頗似尋常人又一作君不見高陽酒徒

起草中長揖山東隆準公一開游說一作入門開說

雄辨兩女輟洗來趨風東下齊城七十二指揮楚漢如

旋蓬狂客一作生落魄尚如此何況壯士當羣雄我欲攀

龍見明主雷公砰訇震天鼓帝傍投壺多玉女三時大

笑生一作開電光倏爍晦冥起風雨闔闔九門不可通以  
額扣關闈者怒白日不照吾精誠祀國無事憂天傾猗  
猗磨牙競人肉騶虞不折生草莖手接飛猱搏彫虎側  
足焦原未言苦智者可卷愚者豪世人見我輕鴻毛力  
排南山三壯士齊相殺之費用一作二桃吳楚弄兵無劇  
孟亞夫哈爾為徒勞梁父吟聲正悲張公兩龍劍神物  
合有時風雲感會起屠釣大人峴岬當安之

東武吟 一作出東門後書懷留別翰林諸公

好古笑流俗素聞賢達風方希佐明主長揖辭成功白  
日在高天迴光燭微躬恭承鳳凰詔歛起雲蘿中清切

紫霄一作垣迴優游丹禁通君王賜顏色聲價凌烟虹乘

輿擁翠蓋扈從金城東寶馬麗絕景錦衣入新豐倚一作

巖望松雪對酒鳴一作理絲桐因學楊子雲獻賦甘泉

宮天書美片善清芬播無窮歸來入咸陽談笑皆王公

一無歸來一朝去金馬飄落成飛蓬賓客一作友日踈散

玉樽亦已一作日成空才力猶可恃一作倚不慙世上雄閒作

東武吟曲盡情未終書此謝知己吾尋黃綺一作扁舟翁

怨歌行 虞世南

紫殿秋風冷雕甍落一作白日沈裁統悽斷曲織素別離

心掖庭羞改畫長門不惜金寵移恩稍薄情踈恨轉深

香銷翠羽帳弦斷鳳凰琴鏡前紅粉歇階上綠苔侵誰  
言掩歌扇翻作白頭吟

前題

吳少微

城南有怨婦含情傷芳叢自謂二八時歌舞入漢宮皇  
恩數流眄承幸玉堂中綠栢黃花催夜酒錦衣羅袂逐  
春風建章西宮煥若神燕趙美女三千人君王厭德不  
忘新况羣艷冶紛來陳是時別君不再見三十三春長  
信殿長信重門晝掩關清房曉帳幽且閒綺窓蟲網氛  
塵色文軒鶯對桃李顏天王貴宮不貯老浩然含淚今  
來還自憐春色轉晚暮試逐佳遊芳草路小腰麗女奪

人奇金鞍少年曾不顧

請謝西家婦莫辭先醉解

羅襦

前題

李白

十五入漢宮花顏笑

一作如

春紅君王選玉色侍寢金

一作

錦屏中薦枕嬌夕月卷衣戀香風寧知趙飛燕奪寵恨

無窮沈憂能傷人綠鬢成霜蓬一朝不得意世事徒一作

信為空鷓鴣換美酒舞衣罷雕籠寒苦不忍言為君奏

絲桐腸斷絃亦絕悲心夜忡忡

怨歌

薛維翰

百尺珠樓臨狹斜新妝能唱美人車皆言賤妾紅顏好

要自狂夫不憶家

怨詩

劉允濟

玉關芳信斷蘭閨錦字新愁來好一作不自抑念切已含

嘖虛牖風驚夢空牀月厭人歸期儻可促勿度柳園春

怨詞二首

崔國輔

妾有羅衣裳秦王在時作為舞春風多秋來不堪着

樓前一作頭桃李疎池上芙蓉落織錦猶未成蛩聲入羅

幕

前題三首

李暇

羅敷初總髻蕙芳正嬌小月落始歸船春眠怕着曉

何處期郎遊小苑花臺間相憶不可見且復乘月還

別前花照路別後露垂葉歌舞須及時如何坐悲妾

怨情

李白

美人捲珠簾深坐顰蛾眉但見一作覺淚痕濕不知心恨

誰

班婕妤

徐彥伯

君恩忽斷絕妾思終未央巾櫛不可見枕席空餘香窓

暗網羅白堦秋苔蘚蒼應門寂已閉流涕向昭陽

前題一作嚴武

嚴識玄

賤妾如桃李君王若歲時秋風一已勁搖落不勝悲寂

寂蒼苔滿沈沈綠草滋繁華非此日指輦競何辭

前題 三首

王維

玉牕螢影度金殿人聲絕秋夜守羅帷孤燈耿不滅  
宮殿生秋草君王恩幸疎那堪聞鳳吹門外度金與  
恠來粧閣閉朝下不相迎總向春園裏花間笑語聲

婕妤怨

崔湜

不分君恩斷新妝視鏡中容華尚春日嬌愛已秋風枕  
席臨牕曉帷屏向月空年年後庭樹榮落在深宮

前題

張烜

賤妾裁紈扇初搖明月姿君王看舞席坐起秋風時玉

樹清御路金陳翳垂絲昭陽無分理愁寂任前期

前題

王沈

長信梨花暗欲棲應門上鑰草萋萋春風吹花亂撲戶  
班絕車聲不至啼

雜擬

長門怨

沈佺期

月皎風泠泠長門次掖庭玉階聞墜葉羅幌見飛螢清  
露凝珠綴流塵下翠屏妾心君未察愁歎劇繁星

前題

齊澣

笳笳孤思逼寂寂長門夜妾妬亦知非君恩那不惜攜

琴就玉階調悲聲未諧將心託一作寄明月流影入君懷

前題

袁暉

早知君愛歇本自無縈妬誰使恩情深今來反相誤愁  
眠羅帳曉泣坐一作望金閨暮獨有夢中魂猶言意如故

前題

張脩之

長門落景盡洞房秋月明玉階草露積金屋網塵生妾  
如今應改君恩昔未平寄語臨邛客何時作賦成

前題

喬備

秋入長門殿木落洞房虛妾思宵夜靜君恩日更疎墜  
露清金閣流螢點玉除還將閨裏恨遙問馬相如

前題

徐賢妃

舊愛柏梁臺新寵昭陽殿守分辭芳輦含情泣團扇一  
朝歌舞榮夙昔詩書賤積恩誠已矣覆水難重薦

前題

崔顥

君王寵初歇棄妾長門宮紫殿青苔滿高樓明月空夜  
愁生枕席春意罷簾櫳泣盡無人問容華落鏡中

前題

岑參

君王嫌妾妬閉妾在一作向長門舞袖垂新寵愁眉結舊  
恩綠錢生一作侵履跡紅粉濕啼痕羞被桃花笑看春獨

不言



前題

賈至

獨坐思千里春庭曉景長鶯喧翡翠幙柳暗一作鬱金堂舞蝶縈愁緒繁花對靚妝深情託瑤瑟絃斷不成章

前題

李華

弱體鴛鴦薦啼妝翡翠衾鴉鳴秋殿曉人靜禁門深每憶椒房寵那堪永巷陰自驚羅帶緩非復舊來心

前題

吳少微

月出映層城孤圓上太清君王春愛歇枕席涼風生怨咽不能寢踟躕步前楹空階白露色百草寒蟲鳴念昔金房裏猶嫌玉座輕如何嬌所悞長夜泣恩情

前題

蕭意

自從別鑾殿長門幾度春不知金屋裏更貯若為人

前題

二首

李白

天迴北斗挂西樓金屋無人螢火流月光欲到長門殿別作深宮一段愁

桂殿長愁不記春黃金四屋起秋塵夜懸明鏡青天上獨照長門宮裏人

長信怨

王諲

飛燕倚身輕爭人巧笑名生君棄妾意增妾怨君情日落昭陽壁秋來長信城寥寥金殿裏歌吹夜無聲

前題

李白

月皎昭陽殿霜清長信宮天行乘玉輦飛燕與君同別  
有留情處一作更有歡娛處承恩樂未窮誰憐團扇妾獨坐怨

秋風

前題

一作長信宮中樹

喬知之

婀娜當軒樹丰茸倚蘭殿色艷九春時風搖五明扇餘  
香鳥啣盡新葉蟲蠹遍零落心自知芳菲君不見壹一  
作書

前題

一作長信草

崔國輔

長信宮中草年年愁處生故一作時侵珠履跡不使玉階  
行

玉階怨

李白

玉階生白露夜久侵羅襪却下水晶簾玲瓏望秋月

